

也。○興國元年庚辰北朝曆應三年正月。賊攻駒城。別府文書矢部

援小田。菊田莊。舊所籍沒小山朝卿地者。白河文書○二

月。宗玄著職原鈔二卷。述朝廷官職遷轉委曲。時

賊兵圍城。城中戰守息劇。上下急遽。宗玄處之裕如。

故及斯舉也。以其羈寓篋中。絕無一部載籍。資檢閱。

悉皆取諸臆記。是以書中所引故事。雖或不免一二

紕繆。然至其遷轉旨意。則無有豪釐差舛。後世言官

職者。據以為準則。乃其通才達識。殆亦不可企及也。

或云斯書為洞院實世四條隆資二公著之。當時

天皇即位。行宮。每事草率。舊章多闕。宗玄遠在東

陸。而憂其有曠廢。適二公應選登庸。專任大政。其才

性雖並有超人者。然機務浩繁。戎馬倥傯。恐有聞見

所失墜焉。故著斯編以授之也。跋語所謂應人需者。

蓋言此職原鈔顯是春。宗玄數出兵。擊賊敗之。賊懼

我鋒銳。不肯交戰。阻險儲糧。以為持久之計焉。是以

官軍亦堅守其壁。不敢挑戰。白河文書鎮守府大將軍顯

信。與下野國司左中將道世。姓共發吉野赴任。正紗

關

記

白

成

河文書元弘日記。按神皇通記云。顯信赴任。途過井伊城。奉第一宮而去。伊勢卷云。延元四年春。以故中務親王子為陸奧太守。顯信奉之。航海東赴。顯能遣阿保大藏少輔。率兵五百餘騎。發船十七艘。護送之。三月十五日發。○四月二日。宗玄使秀仲作書與親朝。援常陸諸城云。足下能以斯時出兵。那須以示應援之勢。則常總間賊必懼解散。若不能然。則由海道直出瓜野近地觀兵。亦足以助我守城聲勢矣。時廣橋泰經在陸奧。扼海道要地。專當賊衝。而田村宗季族通使小田。謀相犄角。宗玄因又遺書泰經。令勸親朝與田村族合兵來援。然親朝依違不出兵。白河文書十

九日。顯信抵白河。白河文書元弘日記裏書先是道世抵下野。按

日不詳。姑駒城受圍踰年。城中守備頗怠。廿七日夜。賊急襲之。以戰發不意。戰死者三十餘人。實寬殊死

而鬪。遂為賊所擒。城陷。元弘日記社務記廿八日。官軍攻八丁目。垣本。鷲宮。善光寺。四砦。拔之。白河文書

今真壁郡八丁目。村有古墟。垣本其地未詳。或云垣

誤。堰關同訓。今真壁郡關本村。地與關城相接。亦有

古墟。鷲宮善光寺二所。未詳。真壁郡有鷲宿地。有鷲

宮。又下總結城。豐田二郡。鷲宮極多以古昔天日鷲

命。故也。而不知孰是。或云豐田是日。行宮改元。筑

郡沼森鷲宮。地與八丁接。或是日。後

五條家。廿九日。晡時官軍又拔飯沼砦。是日。師冬自

燒小田側營而去。餘黨悉退。白河文書按飯沼下總

軍燒小田側營。誤。○六月朔日。宗玄命秀仲遺書親朝。告官

軍戰屢捷。且謂宜乘此時出援。速助恢復。白河文書○七

月十九日。宗玄與親朝岩瀨郡西方廿一鄉。以充出

兵之資。云是二階堂時藤故地。白河文書先是時藤

戰死于八幡。保土原系圖。按系圖時藤任備中守。觀

應中八幡戰死。蓋觀應曆應誤。顯信城

時。廿三日。顯時治久與義篤吉原源藏人戰。敗之。櫻

記。按紀傳為九月。而二書併上延元二○八月。官軍

再據駒城。賊兵復攻之。社務○十一月。宗玄屢出兵。

敗諸方賊。於是賊避小田。專攻駒城。官軍奮戰固守

不屈。廿一日。秀仲與書親朝曰。今視賊勢。殆有沮喪

之機矣。請乘此時出兵。南北夾擊。則那須鹽谷賊必

可破也。然親朝不肯出兵。白河文書廿四日。宗玄薦親朝

任修理權大輔。同上

○二年辛巳。北朝曆應四年春。阿蘇大官司宇治惟時自肥

後寄書小田城。問宗玄起居。且謂為祈興復其神。阿蘇

宮文○閏四月五日。宗玄命秀仲作報謝之。會有師

冬復來寇之警。故書中及之。同上是月。多珂郡義徒據

其地要害。致使小田請曰。願得下賜錦製御旗。俟

親朝援至揚之。自三方來擊賊醜。宗玄乃從請與

御旗。且命曰。近日顯時將出兵。若等候之。當速來會。

白河文書義徒蓋大塚員成次五郎之輩。佐竹系圖。按系圖

塚鄉之半。曆應四年戰死。蓋以此義舉殉節也。○五月四日。秀仲作書告親

朝。以多珂郡義兵之舉。白河文書九日。師冬在瓜連。聚武

藏及諸國賊黨。賊黨相率麇集。別府文書廿二日。驅其徒

赴小田。櫻雲記。按原為四年事。誤。宗玄以鎮衆不可無主。邀興良

親王於吉野。親王入小田城。阿蘇宮文書。按櫻雲記紀傳二書。並以宗玄圖

城中所奉。始終為第一宮一人。且云三年八月十九日入小田。不知以何故誤。時與羽二國

亦賊勢漸熾。官軍頗窘。白河文書○六月十三日。師冬使

平高幹攻志筑城。以其將圍小田。先塞我後援也。所稅

文書。按新治郡上志筑村權現山。有古城趾。是舊下河邊氏墟。十四日。師冬抵方穗

莊。白河文書。櫻雲記。按方穗和名鈔筑波郡鄉。據下。今新治郡王取等其地。構營玉取。別

文書。按今新治郡玉取村。十五日。進抵小田。陣于三村山。櫻雲記

鈔筑波郡三村鄉。是即小田地。故稱三村山。十六日。賊簇登城。後寶篋塔

峰。官軍出城擊之。與武藏賊戰。卻之。師冬部屬尚在

山西高處。下瞰城中。白河文書。別府文書。按小田有寶篋山。山有石造寶篋印塔。蓋

故小田氏舊物官軍不復出戰。堅守涉日。賊造對城各所。益待與黨來集。廿一日。廿二日。宗玄連發使白河。告師冬來攻。令急出援。其書云。小田城安危。係于坂東安危。若小田一陷。則東國官軍一時解體。請來援。勿替緩會。顯信亦遣瀧口左衛門尉公勝姓關乞援。欲攻復國府。以其使同時並至。親朝謀慮迷惑。猶豫不決。白河文書廿三日。小田城官軍出城擊賊。苦戰竟日。賊兵死傷千餘人。走竄對城。會日暮。官軍亦收衆不追。廿四日。復出挑戰。賊懲前敗。不肯交戰。驅土寇當之。

於是官軍亦募土兵相闕。以至昏黑。白河文書當是

時。官軍每戰輒捷。兵氣頗旺。賊懼有援城者。益修牆

壁。雖官軍出城。牢閉對城。不敢合戰。專候官軍不出。

屢縱醜類。侵掠近地。廿六日。宗玄又命作書。告捷親

朝。且與手書趣援。白河文書○七月朔日。志筑受圍已旬

餘。至是與高幹戰。稅所七日。武藏人吉見賴武彦次郎

脫賊營。詣小田城。歸順。白河文書紀傳。按吉見系圖

載源賴武源賴為二人。並稱朝臣。則後叙四位也。作

者部類云。賴為又作賴國。吉見彦三郎賴宗男稱又

三郎。師冬圖以曠日彌久。困官軍。益繕壘壁。堅守不戰。

關城釋史

廿九

三番社藏

於是官軍諸將皆以謂儻不及今急破賊巢穴則諸城逐日財食窮蹙後竟不當復為也因相共合謀八日出小田下妻關三城兵攻玉取顯時別勒手兵逼賊背後豫尅期向背挑戰而賊復堅守不戰官軍無獲空手各引還別府文書是日宗玄命法眼宣宗作書貽親朝趣援白河文書十三日小田城官軍攻對城敗賊又戰于若森及北郡新城新城不利小田氏族岩間胤知彥四田野某等戰沒師冬轉攻駒城別府文書櫻玉取近地北郡茨城郡北郡新城不詳胤知據一本六戶系圖駒城事後無復所見蓋以斯時為師冬

也十九日宗玄又命秀仲遺書白河趣援是月出羽官軍守國界者叛降賊是以賊徒橫行國中官軍各據城固守亦徃徃有力屈降賊者獨出羽權守白河為興據河內城堅守禦賊白河文書○八月親朝遣僧道顯小田報出援在近日道顯還宗玄更與書趣之親朝重遣僧惠紀告策廿三日惠紀還宗玄又付書言救援互速白河文書惠紀親朝族住持伊勢光明寺聯芳遺墨跋是月師冬招致出羽賊黨賊各解諸城圍相率來集白河文書○九月六日賊攻小田城是日又攻下妻等

諸城。白河文書十二日。宗玄作手書乞援白河。先是下妻

等諸城亦受圍已數月。絕無應援。兵衆疲倦。戰守太

苦。而親朝不察。以為常陸官軍之城。其數亦不為少。

勢當以足支一二年。我徐窺賊有釁。諭下野同族小

山朝卿。合兵擊之。則功業之成可必矣。是以雖宗玄

數趣援。未敢出兵也。故宗玄手書懇款言其不然。白

文師冬以信太莊為己所有。圓密院土人有屋代彦

七信經者。為部屬。以其熟地理。師冬使之嚮導。分賊

兵侵信太莊。十七日。賊爭入其地。競相掠略。官軍守

佐倉砦者。棄砦而逃。賊轉渡伊佐度。入東條莊。東條

族叛降。先是龜谷城為官軍所據。至是又攻陷之。仍

留在東條間。悉逐官軍。馴馬砦亦陷。別府文書。按今

古信太郡東條地。信經蓋其地人。後有屋代氏。蓋其

後人。佐倉村在信太郡。與信太村相接。信太氏族。服

屬小田氏。蓋砦亦其族所守。今有古墟。伊佐度今稱

伊佐津村。在榎浦上流。今隸河內郡。亦古信太郡地。

東條已見。馴馬在河內郡。而地與東條相接。其砦未

詳。或云。今河內郡龍寄。舊與馴馬同地。後別為一村。

其城趾是古馴馬砦。下文稱沼田城。小田治久。視官

亦是。後土岐氏據之。而龍寄名漸著。軍勢漸衰弱。稍懷搆貳。宗玄頗察之。益憂恢復不成。

作書與親朝云。守城窘迫之狀。嚮數告之。意已悉其

詳。卿以謂可支一二年者。隔境懸想。或似有其理。然今日此地情勢。太不然也。關伊佐下妻三城。猶或可支。其餘屬城。豈能耐久。長沼某既叛降賊。信太莊佐倉若。河內郡。馴馬若。官軍皆已棄去。小田治久。所食之地。為賊掃捨略盡。是以財力全屈。勢有難持久者。萬一治久叛去。則四方官軍。膽褫氣奪。莫復可為者矣。今日成敗。唯在卿後援一著耳。若卿不能自離境遠出。使子姪輩率兵來援。亦可也。苟不然。則出兵東海道。及高野那須等地。以示出援之形。亦足以少助

今日兵機也。卿設使出救援。遲延十四五日。則城中必生變矣。朝卿固黨賊。決無歸順之意。徒望其勳力。竟莫有立功之期焉。卿乃待之。遷延日月。特非計之得者也。若卿而不援。有奉親王避銳之計而已。事急將。疾報處置。故委曲言之。白河文書。按長沼名關。太平記。元弘二年。配藤原秀房。於常陸。使長沼駿河守監之。尊卑分脉。長沼季行弟有駿河權守宗親。蓋是而大鏡以季房為配。下野則難必。已而師冬。縱間誘治久。治久果潛通賊。宗玄為宗親。覺之。廿二日。將避小田城。又發書告親朝云。斯境危急。嚮數言之。今城中果生變。是所謂進退維谷者。夫



殺身以報。先皇固老臣之分耳。不足以為難事。然

身死之後。官軍喪鬼。若恢復無期。何是所以不得不

熟慮也。急遽斯不盡言。白河文書廿三日。屋代信經等攻

信太莊高井城。縱火燒民舍。別府文書。按高井城。其地未詳。東寺文書。信太

莊有上下高井。諸岡系圖。木工左衛門尉盛綱。觀應元年。居信太高井城。相傳諸岡氏。世居貝原塚城。而其地亦古信太郡。今屬河內。廿六日。治久叛跡全露。

者。然則貝原塚蓋舊高井。宗玄遣長沼宗俊。大輔法眼乞援顯信。亦及親朝。秀仲亦

遺書致意。白河文書是月。官軍屢與信經所導武藏賊兵

戰于信太東條。別府文書○十一月。顯信將援小田徵兵。

國中官軍稍集。四日。賊酋石堂秀慶拒之三迫。六日

傳檄招相馬岩城等與黨。與黨赴會。顯信不能出援。

相馬文書十日。治久稱有策講和。延賊入城。於是興良親

王及顯時。徙大寶城。宗玄徙關城。諸親信各分屬之。

十二日。秀仲遺書親朝告之。十六日。治久將出降。豫

約師冬處分。云食邑不削。官職如故。則從其招。師冬

詐許之。白河文書十八日。治久出城。往見師冬。社務記師冬

負約盡奪。朝廷所命官職。復北條氏時所除。宮內

權少輔。而大削地。所食視舊不能十之一。至同族官

常陸志

關城釋史

三十三

三番土藏

職一切停之。先是治久任左少將兼常陸介及守護職。至是皆失之。治久大失望。然勢已至此。莫復若之。何怏怏從其驅役。白河文書於是師冬撤圍還玉取。是日志筑亦降賊。稅所文書○十二月三日。師冬發玉取赴關城。治久從之。行次村田。八日。師冬逼關城。壓其正門。建營。分賊置大寶城北寺山。以絕兩城通路。白河文書別府文書按寺山在關城東。亦大寶湖東北岸。且使其從子三戶七郎師親率部屬太平高橋及常陸武藏賊立營大寶城南長峯。顯時一條中將具信率城兵奮擊卻之。白河文書櫻雲記師親名

據高階系圖。按大寶祠南長阜。今猶呼長峯。即城南。即夜又與寺山賊戰。別府文書

是日村田莊四保城主四保駿河守名關降賊。師冬盡

奪其城邑。給之四保族。越前守以其與黨也。白河文書按四

保氏。結城族。見光明寺所藏結城道忠書中。今真壁郡村田近地。有東西保。未村。蓋古四保地。而其城跡

未詳。初宗玄之遷關城也。師冬遣三村極樂寺僧圓琳

城中勸和。宗玄不荅。當是時。關東地官軍所守僅六

城。常陸曰關。大寶。伊佐。真壁。中郡。下野曰西明寺。真

壁。真壁法超守之。西明寺蓋益子氏族守之。於是宗

玄與書親朝云。遷兩城之後。告之一再。卿已有報。知